



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 414
e – mail: info@voda.ba

Broj: **UP-1/21-1-40-234-6/22**

Datum: 17.06.2022. godine

«Agencija za vodno područje rijeke Save» Sarajevo rješavajući po zahtjevu pravnog lica J.P. Međunarodni aerodrom „Sarajevo“ d.o.o. Sarajevo za donošenje rješenja o prethodnoj vodnoj saglasnosti za ispuštanje oborinskih onečišćenih sa lokacije novog terminala, pumpe za gorivo i laboratorijskog prostora za ispitivanje kvaliteta goriva koji se planiraju graditi pored aerodromske piste kompleksa aerodroma Sarajevo u ulici Kurta Schorka 36, općina Ilidža, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), donosi

RJEŠENJE **o prethodnoj vodnoj saglasnosti**

1. Pravnom licu J.P. Međunarodni aerodrom „Sarajevo“ d.o.o. Sarajevo daje se prethodna vodna saglasnost za ispuštanje oborinskih onečišćenih sa lokacije novog terminala, pumpe za gorivo i laboratorijskog prostora za ispitivanje kvaliteta goriva koji se planiraju graditi pored aerodromske piste na udaljenosti cca 239,00 m u ulici Kurta Schorka 36, općina Ilidža, kapaciteta 4200 m³, na zemljištu označenom kao k.č. broj: 2602, 2603, 2604/1, 2605/1, 2606, 2607, 2608, 2609/1, 2611/1 i dio 2610/1 KO Dobrinja (novi premjer) a u postupku pribavljanja urbanističke saglasnosti.
2. Prethodna vodna saglasnost daje se u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod slijedećim uslovima:
 - 4.1. Izraditi i revidovati investiciono tehničku dokumentaciju za ispuštanje oborinskih onečišćenih voda sa lokacije novog terminala, pumpe za gorivo i laboratorijskog prostora za ispitivanje kvaliteta goriva koji se planiraju graditi pored aerodromske piste na udaljenosti cca 239,00 m u ulici Kurta Schorka 36, općina Ilidža. Investiciono-tehnička dokumentacija mora biti urađena na nivou projekta za pribavljanje odobrenja za građenje.
 - 4.2. Investiciono-tehnička dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») a u skladu sa odredbama Zakona o vodama i treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata, koja su bitna za konkretan slučaj («Službene novine Federacije BiH, broj 31/15, 55/19 i 41/20), a naročito:
 - Proračun potrebnih količina vode za nesmetan rad poslovnog objekta;
 - Tehničko-tehnološko rješenje objekata za prikupljanje i prečišćavanje oborinskih onečišćenih voda te ispuštanje prečišćenih voda u recipijent sa svim potrebnim proračunima, tehničkim opisom i grafičkim prilogima;
 - Proračun količina i sastava otpadnih voda koje mogu nastati u poslovnom objektu i pripadajućim objektima (manipulativni i parking prostor);
 - Uzdužni profil odvodnog cjevovoda od uređaja za prečišćavanje tehnoloških otpadnih voda voda do definisanog recipijenta, sa detaljem ispusta prečišćenih voda u definisani recipijent;

- Na preglednoj situaciji prikazati cjelokupan lokalitet sa planiranim objektima (poslovni objekat, manipulativni i parking prostor, uređaj za prečišćavanje oborinskih onečišćenih voda i sanitarno-fekalnih otpadnih voda, mjesto ispuštanja);
 - Ocjeniti mogućnost nastajanja i drugih uticaja planirane gradnje na režim voda ili uticaj režima voda na predmetni lokalitet, objekte, stanovništvo, okolinu i sl. sa definisanjem mjera kojima se onemogućuje ili smanjuju štetne posljedice od voda;
 - Projektnom dokumentacijom predvidjeti okno iza uređaja za tretman oborinskih onečišćenih voda i prije miješenja sa bilo kojim vodama na lokaciji, u kome će se vršiti monitoring prečišćenih voda, a prije ispuštanja prečišćenih otpadnih voda u definisani recipijent-oborinsku kanalizaciju kojom upravlja KJKP „Vododvod i kanalizacija“ d.o.o. Sarajevo;
 - U projektnoj dokumentaciji posebnu pažnju obratiti na skladištenje i pretakanje nafte i naftnih derivata, vodeći računa o primjeni odredbi Zakona o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode;
 - Tehničko rješenje skladištenja i postupanja sa opasnim materijama i otpadom nastalim na predmetnom lokalitetu;
 - U proračunima za temeljenje, odnosno dozvoljeno opterećenje (nosivost) temeljnog tla treba uzeti u obzir sezonsko prisustvo podzemnih voda.
 - Projektnom dokumentacijom obuhvatiti i situativno prikazati cjelokupan lokalitet sa pratećim sadržajima, definisati tačan položaj/lokaciju objekata u odnosu na druge objekte i ograničenja u pogledu korištenja prostora i planova razvoja i proširenja aerodroma.
 - U projektnoj dokumentaciji uvažiti uslove navedene u članu 15. stav (1) tačka 2. Odluke o zaštiti izvorišta vode za piće u Sarajevskom polju („Službene novine grada Sarajevo“ broj: 2/87) gdje su propisane mjere koje se odnose na aerodrom Sarajevo.
- 4.3. Usvojenim sistemom prečišćavanja tehnoloških otpadnih voda mora se obezbijediti kvalitet efluenta u skladu sa propisanim graničnim vrijednostima u skladu sa članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20.
5. Nakon ishodovanja Rješenja o urbanističkoj saglasnosti od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivima ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
 6. Ovo Rješenje o prethodnoj vodnoj saglasnosti Investitor će koristiti u postupku dobijanja urbanističke saglasnosti i ona definiše sve uslove koje projektna dokumentacija treba ispuniti sa aspekta voda u skladu sa Zakonom o vodama.
 7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
 8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 9. Ova prethodna vodna saglasnost se može izmjeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama («Službene novine Federacije BiH», broj 70/06), a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice J.P. Međunarodni aerodrom „Sarajevo“ d.o.o. Sarajevo, zahtjevom zaprimljenim u ovoj Agenciji dana 17.05.2022 godine obratilo se za donošenje rješenja o prethodnoj vodnoj saglasnosti za ispuštanje oborinskih onečišćenih voda sa lokacije novog terminala, pumpe za gorivo i laboratorijskog prostora za ispitivanje kvaliteta goriva koji se planiraju graditi pored aerodromske piste na udaljenosti cca 239,00 m u ulici Kurta Schorka 36, općina Ilidža, kapaciteta 4200 m³, na zemljištu označenom kao k.č.

broj: 2602, 2603, 2604/1, 2605/1, 2606, 2607, 2608, 2609/1, 2611/1 i dio 2610/1 KO Dobrinja (novi premjer) a u postupku pribavljanja urbanističke saglasnosti.

U provedenom postupku dostavljena je i pregledana slijedeća dokumentacija:

- Aktuelni izvod iz sudskog registra broj: 065-0-RegZ-22-000462 od 17.01.2022 godine izdat od strane Općinski sud u Sarajevu-ovjerena kopija,
- Kopija Katastarskog plana, razmjera 1:1500, broj: 02/04-26-6701/2022-1 od 22.03.2022. godina izdata od Službe za urbanizam, stambene, imovinsko-pravne geodetske poslove i katastar nekretnina, Općina Novi Grad, Sarajevo-ovjerena kopija;
- Ovjerene kopije zemljišnoknjižnih izvadaka ZK uložak 11937 broj: 27328/22, ZK uložak 4588 broj: 27329/22, ZK uložak 2368 broj: 27330/22, ZK uložak 7712 broj: 27331/22, ZK uložak 1178 broj: 27332/22, ZK uložak 2394 broj: 27333/22, ZK uložak 9872 broj: 27337/22, ZK uložak 10654 broj: 27335/22, ZK uložak 11959 broj: 27334/22 od 23.03.2022. godine i ZK uložak broj: 23827/22, od 16.03.2022. godine izdati od strane Općinskog suda u Sarajevu;
- Dokaz o uplaćenju administrativnoj taksi i upravnoj pristojbi,
- Informacija broj: 03-04-19-2762/21 od 15.07.2021 godine o davanju mišljenja o usklađenosti planiranih aktivnosti sa prostorno-planskom dokumentacijom od strane Zavoda za planiranje razvoja Kantona Sarajevo;
- Odgovor na zahtjev za saglasnost broj: 2528-1/21 od 27.07.2021 godine dat od strane KJKP „Vodovod i kanalizacija“ d.o.o. Sarajevo;
- Odgovor na zahtjev za saglasnost broj: 2528-2/21 od 29.07.2021 godine dat od strane KJKP „Vodovod i kanalizacija“ d.o.o. Sarajevo;
- Odgovor na zahtjev za saglasnost broj: 5164/22 od 19.04.2022 godine dat od strane KJKP „Vodovod i kanalizacija“ d.o.o. Sarajevo;
- Studija za izdavanje prethodne vodne saglasnosti za novi terminal, pumpe za gorivo i laboratorijski prostor za ispitivanje kvaliteta goriva na međunarodnom aerodromu Sarajevo, registarski broj: 10-123/21_rev1, urađena od strane „TQM“ d.o.o. Lukavac, maj 2022 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 1. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 41/20), o zahtjevu je dana 26.05.2022. godine obavještena javnost putem obavještenja u dnevnim novinama „Oslobođenje“. U ostavljenom roku nije bilo pisanih izjašnjenja o predloženim aktivnostima iz zahtjeva.

U skladu sa članom 124. stav 1. Zakona o vodama o zahtjevu je dana 26.05.2022. godine obavještena javnost putem obavještenja na oglasnim pločama „Agencije za vodno područje rijeke Save“ Sarajevo. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u raspoloživu dokumentaciju, utvrđeno je:

- Lokacija planiranih objekata- novog terminala, pumpe za gorivo i laboratorijskog prostora za ispitivanje kvaliteta goriva se nalazi istočno od aerodroma, pored aerodromske piste na udaljenosti cca 239,00 m u ulici Kurta Schorka 36, općina Ilidža, na zemljištu označenom kao k.č. broj: 2602, 2603, 2604/1, 2605/1, 2606, 2607, 2608, 2609/1, 2611/1 i dio 2610/1 KO Dobrinja (novi premjer) općina Ilidža.
- Na lokalitetu, u okviru novog terminala za gorivo Međunarodnog aerodroma Sarajevo, predviđena je izgradnja sljedećih objekata: objekat portirnice; objekat laboratorije za ispitivanje avio goriva; objekat kontrolne sobe avio goriva-operator 1 i kontrolne sobe avio goriva operator 2; objekat pumpe za dizel gorivo; podzemni rezervoari za skladištenje avio goriva;
- Unutar predmetne lokacije će se vršiti manipulacija sljedećim gorivima: dizel gorivo (DG) i avionsko gorivo (JET-A1).
- Predviđeno je dostavljanje goriva putem autocisterni koje će se istakati na utakačko-istakačkom mjestu, odnosno terminalu avio goriva. Planirana je izgradnja nadstrešnice iznad pretakališta avio goriva, kako bi se vitalni dijelovi postrojenja zaštitili od uticaja padavina, a u svrhu zaštite uređaja.
- Najbliži vodotoci u odnosu na posmatranu lokaciju novog terminala goriva sa pratećim objektima su Kasindolska rijeka udaljena cca 727,00 m i Rijeka Željeznica udaljena cca 2,00 km.

- Predmetna parcela se ne nalazi u vodnom dobru vodonosnika I i II kategorije te prema podacima navedenim u Studiji predmetna lokacija neće dolaziti pod uticaj velikih voda rijeke Željeznice i Kasindolske rijeke ranga javljanja jednom u sto godina.
- Na predmetnoj lokaciji za potrebe izgradnje objekata te provjere stabilnosti terena i stanja nivoa i pojave podzemnih voda urađen je Elaborat o inženjerskogeološko-građevinskim karakteristikama terena.
- U aktu broj: 03-04-19-2762/21 od 15.07.2021 godine od strane Zavoda za planiranje razvoja Kantona Sarajevo je navedeno da se predmetni obuhvat nalazi u prostoru za koji postoji razvijana planska dokumentacija i to:
 - Prostorni plan Kantona Sarajevo za period 2003-2023 godine (Službene novine Kantona Sarajevo" br. 26/06, 4/11 i 22/17),
 - Urbanistički plan grada Sarajeva za urbano područje Sarajevo (Stari Grad, Centar, Novo Sarajevo, Novi Grad, Ilidža i Vogošća za period 1986 do 2015 godine (Službene novine grada Sarajevo „ br. 4/90, „Službene novine Kantona Sarajevo" br. 14/97, 5/99, 14/00, 4/02 i 37/14). Za ovaj planski dokument Skupština Kantona Sarajevo je u toku 2016 godine donijela Odluku o pristupanju izradi Urbanističkog plana grada Sarajeva za urbano područje Sarajevo (Stari Grad, Centar, Novo Sarajevo, Novi Grad, Ilidža i Vogošća) („Službene novine Kantona Sarajevo"48/16) i čija izrada je u toku.
 - Za ovaj prostor u kome bi se trebale odvijati predmetne aktivnosti ne postoji detaljna planska dokumentacija.
- Ukupni projektovani kapacitet terminala avionskog goriva je 4200 m³. Na lokalitetu će biti izvedena dva neovisna bloka terminala, sa zapreminom od 2100 m³ skladištenog goriva u podzemnim dvoplašnim rezervorima sa antikorozivnom zaštitom i kontrolom mjerenja tečnosti u međuplašnom prostoru. Svaki od blokova će činiti 14 podzemnih rezervoara zapremine po 150 m³.
- Za objekat pumpe planiran je podzemni dvoplašni rezervoar dizel goriva sa antikorozivnom zaštitom i kontrolom mjerenja tečnosti u međuplašnom prostoru, kapaciteta V=100 m³
- Planirani novi terminal, pumpa za gorivo i laboratorijski prostor za ispitivanje goriva prema izjavi od strane KJKP „Vodovod i kanalizacija" d.o.o. Sarajevo u aktu broj: 5164/22 od 19.04.2022 godine, se nalazi u III (trećoj) vodozaštitnoj zoni shodno odluci o zaštiti izvorišta vode za piće u Sarajevskom polju („Službene novine grada Sarajevo" broj: 2/87) i s tim u vezi uvažiti uslove navedene u članu 15. stav (1) tačka 2.predmetne Odluke gdje su propisane mjere koje se odnose na aerodrom Sarajevo;
- U Master planu je posebna pažnja posvećena izmještanju i razvoju prostora za skladištenje goriva u skladu sa rastom saobraćaja na aerodromu. Navedene aktivnosti su u skladu sa odlukom o zaštiti izvorišta vode za piće u Sarajevskom polju i zahtjevima naloženim vodnim aktima a u cilju smanjenja opasnosti zagađenja vode u podzemnom akviferu „Sarajevskog polja" koja se koristi za javno vodosnabdijevanje;
- U projektnoj dokumentaciji će se predvidjeti i detaljno opisati mjere zaštite u III zoni zaštite izvorišta Sarajevsko polje koje će se morati obavezno provoditi putem zabrana, ograničenja i drugih oblika kontrole ljudskih aktivnosti radi smanjenja rizika od zagađenja izvorišta ili drugih uticaja koji se mogu nepovoljno reflektovati na stanje izvorišta, njegovu izdašnost, kvalitet i zdravstvenu ispravnost vode, a odnose se na terminal aerodroma Sarajevo.
- Oborinske onečišćene vode sa asfaltiranih i manipulativnih površina u krugu predmetnog objekta će se odvojeno od ostalih voda odvoditi do separatora ulja i masti sa koalescentnim filterom bez bypassa. Prečišćene vode će se preko okna za monitoring odvesti do i ispuštati u gradski kolektor oborinskih voda ACØ800 mm;
- Snabdijevanje vodom za potrebe predmetnih objekata biće obezbijeđeno priključkom na gradski vodovodni sistem;
- Osnovni podaci za izgradnju objekata i sama aktivnost u njima definisana je Studijom urađenom od strane „TQM" d.o.o. Lukavac, maj 2022 godine;

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 4. dispozitiva Rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je Rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka:

Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- J.P. Međunarodni aerodrom „Sarajevo“ d.o.o. Sarajevo, ul. Kurta Schorka 36, Sarajevo
- ☉ AVP Sava, ISV-vodna knjiga
- Org.jed. 40 – arhiva
- Oglasna ploča AVP Sava